

金鎖流珠引卷之八

思七

金鎖流珠引卷之八

思七

中華總彙華芳中張道陵其子葛仙翁茅君吳君等後撰述

中華仙人李淳風注

說上元三部將軍及三功曹等圖卷內

符並朱書

老君曰上元上部將軍一人也主掌三清註

上清太清中清之上大羅之中註大羅天名

也羅者都蓋三十六天謂之大羅也其大羅

之中列於四方一方八天言東西南北之地

四八三十二天中清至於太清三天三十五

天更包上清一天總三十六天之世界也元  
始天尊說度人經云有三十二天三十二帝  
皆說中清之下四方天也又不說坐者中天  
若總元始說法天總三十三天是其下界都  
數天地世界皆有帝王巡檢人神龍鬼之徒

思七

也從官百億萬衆兵士也本姓盤名體註上  
古上元將軍一人姓名至三皇天皇之世太  
上老君爲太上帝道君萬道之主之時遷盤  
將軍一人入大真人位以唐短替上元上部  
大將軍之位因茲始也用法思本師在身之



前註傳此法師即可存之如不傳此法不可  
妄存反損存用之人昔地皇氏不受妄存忽  
一旦將軍見身長九千萬丈聲似天雷呼地  
皇爲地氏之子子師何人攝呼我身於是地  
皇對曰臣師是五靈老君將軍又曰子緣不  
師於五靈老君若師老君我更見身貴子將  
作何也子師東來子爲師且東來子身受經  
法玉籙不足金籙全無口訣云我受道於東  
夏子夏子是來子父雖父在之日傳於經法  
從來不曾簡寫妄言授簡道於靈山是何山

上妄言妄語殃及子身容子三年理人後當  
代責子之罪於是地皇日夜憂懼恐死即登  
山涉水尋求五靈老君五靈老君見來遙知  
被責便言曰大皇奉道不真罵道不神今被  
天神所責怨在何人於是地皇氏再拜老君  
唯稱死罪鄙性思七好道修求不真二自身本是愚  
人今逢愚匠令其妄修行天官責罰敢望人  
身伏乞大道大恩賜納驅使免得三年之外  
天官責罰其罪恐失人身何敢更受皇位老  
君即變大神通閉炁捨訣西土人謂之結印



是也須臾之間唐李徐三將一時俱下與地  
皇氏為保舉度大道金籙玉籙八十餘階天  
皇地皇人皇三皇內文內籙等經四十九卷  
修行十四年得道理世八萬九千年後而昇  
玄丘之臺自身在本師後捻訣更存思上元  
上部唐將軍一人姓唐名短註小低聲呼之  
此神是太一尊神之上將也不可妄呼身長  
九千萬丈上五綱神功曹一人姓姜名毒身  
亦長九百丈領朱衣百千萬重人朱衣赤幘  
手把金符帶龍淵之劍領兵百萬衆在三十

二天之上太清之極總領天宿星斗之神註

太上老君告盤古王曰天宿者二十八宿是

也星斗者中斗九星九精也應是天上九野

星斗皆屬此神管領也號曰功曹如國中宰

相之位也上元將軍如天子之位也故曰巡

思七

三

檢三清之極也大羅四方之中一切生死皆

由注落注生落死也王須知之則長生不知

則短壽盤古王知長存於眉山之上出入左

腎之中如此十四年得道理國八萬九千年

而昇太極一國男女同昇從天而下存見鬱



鬱從雲中下皆在人泥丸註泥丸是身腦之  
官名曰上元上部將軍所止之官住也與左  
腎神相應相通人常存之止泥丸鎮於左腎  
女人鎮右腎是也如若不能知辨者看於含  
影圖即思存得天地萬神與身神通鎮一身  
之內更捨司命之訣即能立取長生不虛也  
此是後聖君告命於五嶽靈山修行之人葛  
越彭壽等二十八仙所記於修行靈山述記  
敘錄不傳世人之宮註金鎖流珠云泥丸之  
中後聖君告云官藏在左腎裏註夜卧常存



鎮於左腎女右腎白日有事或衝出從左眉  
上而出也通滿天入來覆人忽思用衝出左  
眉上從天門雙出也註金鎖流珠中无雙字  
後聖君告命浮丘公有雙字是也何以知也  
夫人修道更身得道亦象天地故合相應且  
上元將軍是天神大仙官雖通人人以錄強  
錄在左腎腎中者是人神與天神通靈相應  
故人身神出從左腎而出天上上元將軍即  
從天門出同於人身人身亦存眉爲天門之  
狀如奏章存圖也團團雲中轉來覆人身家

也註金鎖流珠无此三字後聖君告命浮丘  
公有此三字至如修道之人得道之後濟家  
助國救人何況只一身一家而能濟无極他  
方世界之人若身家及他人亦得有急事向  
北斗呼之即有降下與卿註金鎖流珠无三

思七

四

字後聖君告命中有解滅災禍囚神龍鬼註  
亦无此八字是告命中出即身轉天關於手  
結法印於指註是捻訣也訣在左手第一指  
甲下以右手就捻之少時禹步十二跡或九  
跡註大禹步九跡小禹步十二跡此是後聖



君言大小禹步若太上老君言十二跡是大禹步舉天關指有崇之方註或兵官或病人所住之方是也或惡人鬼來處之方也即自消滅速於水火註言此法急速之應立能通靈无事輕喚身心家滅亡註金鎖流珠并无无事家三字亦是告命中出注上引

太上老君告黃帝曰身家國无事妄存身家滅門不可輕喚爲金籙云輕喚北斗及上元上部將軍身心滅亡太上又告安和子註安和子是神農之弟學道於恒山遇太上老君



降授於上清三五飛步天綱地紀之法常存  
三五之要訣引感得三元神降下教授修行  
之道白日上昇炎火南極之天世界火鍊金  
石而爲根之地曰三元之中上元上部爲貴  
尊如世天子之位甚能令人得道存用有日

思七

五

不可妄爲除本命日甲子日上元日註甲子  
是上元甲子日是除此日之外不可妄行損  
人存修行用爲之如忽有身家急疾事被人  
謀害重病垂死兵賊存呼之立即滅亡極驗  
不在此日亦得後聖君告天師道陵曰卿欲

教人求出災害入長生之道取彼人上元註

甲子中有上中下三元曆日中取本命之日

夜於北斗下燒香思存本師訖存見上元上部將軍下入泥丸宮次入左腎次中元下元註中元入右腎下元入心中夫思神先令止

於泥丸入於心腎安鎮五藏即捻訣禹步四

步十二跡訖思存之出覆身如含弘之圖周

備三元五行雷公五雷八卦日月星宿周畢

即誦五行十八咒一遍求長生一年便入不

死之道二年名入長生辟兵出厄通靈感動



天地心欲便成俱入泥丸後各依入心腎中  
少時安鎮身神定即出之如含弘圖畢捻訣  
閉炁禹步十二跡求生出厄一年之內神驗  
立成甚能佐天綱地紀之道卿其勿妄傳非  
人此法三元內法能以直逕入大道之門祕

之吉泄之凶老君告上古三元神君曰夫修  
三元皆從上元本命起次即中元次即下元  
三元周備修之一年之中或得五度註上元  
甲子六十日中有本命一度中元甲子中有  
本命日二度下元甲子中有本命日三度以




次到上元周而復始取本命為之二年之內  
得十日修行即得其不死之道

後聖君授上元上部將軍符一道與張道陵  
吞吞畢即存使之无不如意并勅令係代相  
傳志人註仁人是其志人志道之士令得真

人之道

思七

六



後聖君授上元中部將軍符一道與道陵吞吞

訖行中部事并令係代傳其志人令同得真道

甲子祀真武  
精

後聖君授上元下部將軍符一道與道陵吞

吞畢行下部事并令傳志人代代相繼同稱  
至真之道

精



後聖君授三符一一吞之主告命上元三部  
將軍令佐助受太玄三五正法之人修行思  
存呼召立到依口順心直使令應心口急急  
如律令三符並未書又告善行子註行子是  
李少君之孫承祖之福德得道昇西嶽洞天

思七

七

中自稱善行子因而為名卿好道學雖功勤  
不得其理理從三元而修從五行而入予可  
師道陵於是行子入蜀投受上三部之法五  
行之要修十四年滿昇西靈仙掌洞天茲後  
有數百人承此三五之法皆得為真人太上



老君告人皇曰王求至道欲得真性真性在  
於三五三五之力是爲道祖如水出泉得其  
流源如人出穴得其門戶註上古穴居故言  
出穴王受之壽極天地註人皇受之果得長  
生在位八萬九千年後全宮室上昇太極亦

留文於世今傳人皇文

老君曰大道有千門萬戶其要甚少前敘三  
五始生引亦說三元猶未盡其根本今一一  
具件於卷後綱訣呪符存用等為少言語逕  
引直入重門見道註此卷說三將軍畢說步

綱正訣符存用呪術等應是上元三部中之  
事盡說一一具件題目次思上元中部李將  
軍一人姓李名拒註低小聲呼之是太一之  
尊神中將也身長七千萬丈領註金鎖流珠  
總不言領字前聖君受引書上中下皆有領

字多應有此字流珠出世年月深遠世書寫  
入漏失之故必非先无必有今行用依引言  
得五剛註據洞天中本作此綱字前聖君授  
引此剛字後聖君因教松子言五剛功曹即  
是此剛字定也風為流珠本是金籙前聖後

聖猶不賜改易風未敢便改功曹姓張名李

一云李字是也身長七百丈註流珠本无身

長七百丈此五字前聖引有五字百千萬重

人註按流珠說不周細其事並不顯若按後

聖君告命東海小童君言上元中部將軍一

思七

人姓李名拒身長七千萬丈領五剛功曹一

人姓張名李領天兵百十萬重人莫知其數

此說即是二人是將軍功曹也其餘百千萬

重即兵吏也赤幘右手持戟腰帶消魔之劍

註流珠云上部唐將軍腰帶龍淵之劍中部



將軍闕字元名太上老君授引消魔之劍名也後聖君授東海小童君云三部將軍三人腰帶命魔之劍是上部也消魔之劍中部也按天師言多有失處蓋從古如此非近代人書失在太清之中上清之下註老君告韓義

子是太皇曰天之孫太清是太極之號也上清是大羅之中是三清之中之號也中天之上常降入人泥丸宮右中具前言少時入右腎之內鎮按事畢須臾出於右眉上如含弘訖上應笑門出來註後聖君告天師曰卿出

上元三部神將本存從上三清之下入身泥  
丸中少時又存入右腎中鎮身藏訖即思從  
腎中上右眉頭出如出天門是也此謂從天  
而降我身受我之使使巡天檢地滅凶惡之  
故命三官見我身與天地大道通誦之通神

思七

九

我身則千神萬鬼百靈千邪萬精人龍畏敬  
於我我則身入无爲之德便得長生之道也  
存之如圖註含弘圖存在右眉頭出出漸漸  
高長身亦隨之長大高十二千萬丈訖即收  
手捻三元將軍訣即步上部中部二部併步



步訖叩齒三十六通即開目呪曰

前聖後聖教臣一云稱名長生飛步三元九

將萬營行御六甲配衣七星吞六使七註六

六甲符也七七星也凶惡斬形金木相順水

火相成人无干犯鬼无妖精若有犯我者天

關滅汝生註即轉天關指之即消滅也呪訖

即步上元將軍綱三遍次即中元次即下元

三部各有綱圖一一各三遍步綱一遍步巾

皆云攝攝註重言亦三遍叱叱註若有凶人

惡鬼徒即云叱叱三遍若治凶人捻惡人刀



支註人刀支在右手第五指第三節上右邊  
左主殺右主放放攝皆得其理不可妄行行  
之切須依道治惡鬼捻鬼刀支註鬼刀支在  
左手五指第三節上邊總是鬼刀支具一一  
言其某鬼即依捻之

思七

十

金鎖流珠引卷之八

共



